

INIHAHANDOG



Makipagsapalaran kasama si Hesus

AKLAT NG GURO

ANG SIRKO NG BUHAY!

Araw-araw, sa malalaki at maliliit na paraan, gumigising tayo at nagpapatuloy sa dinalalaman. Sinisilaw tayo ng takot natin gaya ng 3-singsing na sirko, binabantaan tayong maging paralisado at isuko na ang mga pangarap natin.

Ngunit may kamangha-manghang plano ang Diyos para sa atin, kung magiging laan lang tayong humakbang sa sirkong ito na tinatawag na BUHAY at makipagsapalaran.

Binigyan tayo ni Hesus ng sukdulang halimbawa ng pagtaya ng lahat nang namatay Siya sa krus.

Hahayaan mo bang pigilan ka ng takot mo? O matapang kang hahakbang kasama Ko sa sirkong ito na tinatawag na BUHAY?

"Huwag kang matakot, sapagkat Ako'y kasama mo; huwag kang mabalisa, sapagkat Ako'y Diyos mo. Aking palalakasin ka, oo, ikaw ay Aking tutulongan; oo, ikaw ay Aking aalalayan ng kanang kamay ng aking katuwiran."

Isaias 41:10

Kristina Krauss and Staff "Equip & Grow – Children are Important"

*Kristina
Krauss*



PANGKALAHATANG PANANAW


TEMA 1

Maging Masaya Lang!
Linggo ng Palaspas, Lucas 19:28-44
Takot: Takot ng kakulangan

SUBENIR



AKROBATIKO




TEMA 2

Gawin mo Lang ito!
Itinatwa ni Pedro si Hesus nang 3 beses, Lucas 22:34, 54-62
Takot: Takot sa kabiguan o kamalian.




TEMA 3

Maging Totoo sa Sarili!
Inamin ni Hesus sa harap ni Pilato na Diyos Siya, Lucas 23:1-4, 13-16
Takot: Takot sa pagiging tapat o mahina




TEMA 4

Magtiwala Lang!
Pagkamatay ni Hesus sa Krus, Lucas 23:26-49
Takot: Takot sa karamdaman o sakit.




TEMA 5

UMIBIG Lang!
Bumangon si Hesus mula sa patay!, Lukas 24:1-12, 36-42
Takot: Takot sa pagtangga at pagiging mag-isa.



GAWIN MO LANG ITO

/ MUNTING TAGAPALABAS



ISASAULO

Isaulo:
Mga Kawikaan 15:13
" Ang masayang puso ay nagpapasaya ng mukha: nguni't sa kapanglawan ng puso ay nababagbag ang diwa."




Isaulo:
Mga Kawikaan 30:5
" Bawa't salita ng Dios ay subok: siya'y kalasag sa kanila, na nanganganlong sa kaniya."

Isaulo:
Isaias 43:4b
" kaya't magbibigay ako ng mga tao na pinakatubos sa iyo, at ng mga bayan na pinakatubos sa iyong buhay."

Isaulo:
Mga Awit 118:8
" Lalong mabuti ang manganlong sa Panginoon kay sa maglagak ng tiwala sa tao."

Isaulo:
Juan 15:13 " Walang may lalong dakilang pagibig kay sa rito, na ibigay ng isang tao ang kaniyang buhay dahil sa kaniyang mga kaibigan."

MGA PALAISIPAN





PAANO GAMITIN ANG MATERYAL NA ITO

DIREKTOR

Bilang direktor, ang pangunahin mong gawain ay patakbuhan ang palabas na "Ang Sirko ng Buhay." Gamit ang lahat ng nagboluntaryo sa programming at koordinasyon at mga materyal, wala ka nang panahong isagawa ang iba pang gawain sa Programa. Kumuha ka ng mga magboboluntaryo at iatas ang iba't ibang piraso ng programa sa mga kasama sa iglesia. Itataas nito ang kasabikan sa programa at tutulong sa mga kasamang maabot ang mga bata.

PAGREKRUT

Magrekrut ng mas maraming makakaya mula sa iglesia. Huwag humingi ng panlahat na tulong sa Programang "Ang Sirko ng Buhay," kausapin ang bawat isa nang direkta at humingi ng tulong sa isang bagay na tiyak. Maaaring may isang tao sa iglesia na takot magturo, ngunit masayang tumulong sa mga bata sa mga gawaing-kamay..

Narito ang mga mungkahing gampanin (10+ na tao):


- Master of ceremonies – maaaring ang direktor
- 2 or 3 aktor para sa dramang seksyon na "Likod ng Entablado".
- Lider sa Musika ng seksyong "Tilamsik ng Ligaya" upang magturo ng mga awiting may kilos para sa mga bata.
- Guro para sa pangunahing leksyong "Simulan na ang Palabas" kasama ang lahat ng bata (maaaring ang direktor)
- Istasyong guro sa klase para sa mga aklat pambata.
- Guro para sa diskusyon kasama ang mga nakatatandang mag-aaral.
- Lider ng gawaing "Mga Subenir"
- Lider sa larong "Mga Akrobatiko", "Munting Tagapalabas", "Gawin mo Lang Ito", kasama ang marami pang tao, maaari magkaroon ng isa o higit pang tutulong na para sa mga nakababatang mag-aaral, pagpapagana ng audiovisual equipment, pagtuturo ng musika o mga tumutulong sa kada istasyon, at iba pa.

PAGSASANAY

Napakahalaga ng bahaging ito para sa lahat ng sangkot sa programa, alalahaning pahalagahan ang oras, yamang kapwa ang full-time staff at ang mga nagboluntaryo ay abala, kaya gumawa ng isang simple ngunit epektibong plano, petsa ng pagdalo sa online training na "Ang Circo de la Vida", pagbibigay ng mga atas at gagamitin. Alalahaning suriin ang checklist ng plano upang tulungan ka at pukawin silang magsanay sa kaalaman sa Biblia, karanasan sa pagtuturo at mga kakayahan tutulong na pasakdalin ang kanilang sarili sa napakagandang ministryong ito.

MGA IMBITASYON AT REHISTRASYON

Ang isang programa sa Easter ay isang pagkakataong mag-ebanghelyo. Isiping isang araw ay sasabihin sa iyo ng isang taong sinusunod nila si Hesus dahil sa programa mo noong Easter! Huwag limitahan ang programa mo sa mga bata sa mga iglesia. Lumikha ng promosyonal na materyal at sabihan ang mga batang imbitahan ang kanilang mga kklase at maghandog ng mga premyo sa mga batang nakapagdala ng kanilang kaibigan sa



programa sa Easter. Kung maniningil ka ng kaunting entrance fee sa programa mo, imbitahan ang mga magulang na magbigay ng scholarship sa mga kaibigan ng kanilang anak upang makilala rin nila si Hesus.

Gumawa ng rehistro nang maaga upang makalkula kung ilang bata ang dadalo sa programa mo sa Easter “Ang Sirko ng Buhay” upang maihanda mo ang kakailanganing materyal.

ISKEDYUL

Magkakatulad lang sa 5 araw, tandaan lang na nagkakaiba ang mga gawain. Maging malayang baguhin ang iskedyul kung kailangan. Simulan ang araw na magkakasama lahat ng mag-aaral.

- Panalangin
- Tilamsik ng Ligaya/ Mga Icebreaker
- Likod ng Entablado (Drama)
- Simula ng Palabas (Ipakilala ang paksa)
- Iminumungkahi naming gumawa ng mga cheer na may kilos sa pagitan ng “Likod ng Entablado” (drama) at “Simula ng Palabas” (pangunahing leksyon) upang magkaroon ang mga bata ng pagkakataong kumilos. Pagkatapos ay maaari nang hatiin ang mga bata sa mga grupo para sa mga seksyon:
- Mga Subenir o Gawang-kamay.
- Klase na may aklat ng mag-aaral

Pagkatapos ay maaaring lumahok lahat ng bata sa mga pagtatapos na gawain:

- Subukan mo / Munting Tagapalabas
- Mga Awitin (opsyonal)
- Mga Akrobatiko (mga laro)

Tapusin ang araw sa isang mabilis na pagbalik-tanaw at panalangin.

MGA ISTASYON

Ang “Mga Istasyon ng Pag-ikot” ay paraan upang maisaayos ang iyong Programang “Ang Sirko ng Buhay” upang hindi mo na kailanganin ng maraming materyal gaya ng pandikit, lapis, atbp. at upang hindi gawin ng sabay-sabay ng mga bata ang gawain. Hatiin ang mga bata sa 3 o higit pang grupo at irekomendang ipaikot nila ang mga gawain. Halimbawa, hilingin sa mga klaseng Advanced at Mahirap na gamitin ang mga aklat ng mag-aaral habang ginagawa ng klaseng Katamtaman ang mga gawain sa istasyong “Likod ng Entablado” at ginagawa naman ng klaseng Madali ang “Mga Subenir” na gawaing-kamay. Bawat istasyon ay dinisenyo na gawin sa pagitan ng 15 – 20 minuto. Kinokontrol ng direktor o sinumang naitalaga na subaybayan ang mga istasyon ang oras at inaanunsyo kung oras nang magpalit. Maaari mong gamitin ang isa sa mga awiting kasama sa programa upang hudyatan ang pagpapalit. Kung kaya ng lugar, isagawa ang parehong gawain sa parehong lugar at hayaang umikot ang mga bata gaya ng tinagubilin. Bibigyan nito ang mga bata ng panahong tumayo at kumilos. Kung walang sapat na espasyo, panatilihin na lang ang mga bata sa parehong lugar, ngunit ibahin ang gawain nila. Hayaan silang tumayo at mag-unat o magpalitan ng upuan sa pagitan ng mga gawain upang mabigyan sila ng pagkakataong kumilos.



SIMULAN ANG PALABAS (KLASE)

Sa bahaging ito ay ibibigay ang leksyon nang may mensahe para sa buhay ng mga mag-aaral.

AKLAT NG MAG-AARAL

Mga Palaisipan

Sa istasyong ito, nagsasaya ang mga bata sa mga palaisipan sa aklat ng mga mag-aaral. Dinisenyo ang mga aklat namin para sa mga sumusunod na edad:

Madali - 4-6 taon

Katamtaman - 7-9 taon

Mahirap - 10-12 taon

Advanced - 13+ taon

MGA TANONG SA DISKUSYON

Habang tumatanda ang mga bata, nakikita nila ang pagkakumplikado ng buhay at maaaring mahirapang iaplay ang mga natututunan nila sa mga kuwentong Biblia sa kanilang sariling buhay. Sa dahilang ito, naghanda kami ng seksyon ng tanong at sagot upang magabayan ang mga nakatatandang mag-aaral sa ilang tanong at gawing tunay ang leksyon sa kanila. Hindi dapat sabihin agad ang mga halimbawang sagot, hayaan mag-isip ang mga mag-aaral upang mas matandaan nila ang kanilang natutunan. Minsan ay hindi na ibibigay ang sagot. Mainam na gabayan ang kanilang diskusyon upang sila mismo ang gagawa ng kanilang konklusyon. Hikapatin silang mag-isip hinggil sa mga aplikasyon sa buhay ngayon, hindi lamang batay sa mga historikong biblikal na katotohanan. Linangin ang atmospero ng pagtitiwala sa klase mo upang maging panatag ang mga mag-aaral na isalita ang saloobin nila nang walang takot ng pagkakamali. Lalago sila at gugulang nang higit kung sasagutan nila ang mga tanong nang personal at tapat.

Sa programang ito, gumawa kami ng iba't ibang icebreaker upang pasiglahina ng mga bata sa kada edad. May mga lohikal, sekwensyal at analitikal na icebreaker na nakalaan. Inirerekomenda naming aralin sila bago simulan ang programa.

MGA TILAMSIK NG LIGAYA

Ang mga bata ay nakakamanghang tagatanggap ng lahat ng uri ng pampasigla, at musika ang isa sa pinakamalakas. Kaya, makapagbibigay ng malakas na positibong impluwensya ang musika sa kanila kung gagamitin ng tama. Iwasang gamitin ito bilang obligasyon at alamin kung paano gamitin ang naaakma sa bawat sandali. Nagbibigay ito ng emosyonal na seguridad, nagpapatibay ng pagkatuto, tumutulong sa konsentrasyon, at tumutulong sa pagpapahayag ng sarili.



LIKOD NG ENTABLADO (DRAMA/DULA)

Isinulat ang mga maikling palabas upang ipakilala ang leksyon ng araw, totoong nakakatuwang manood ng drama at pinagninilay rin tayo nito. Habang tumatawa o inaanalisa ng mga bata ang bawat dula, natututo na sila! Mainam na magkaroon ng mga palamuti sa mga dula niyo upang tulungan ang imahinasyon ng mga bata.

Isaalang-alang na ang mga bata ay may tagal ng atensyon na 8 minuto, depende sa edad, (mga 1 minuto kada edad). Tapusin ang drama sa loob ng ganong panahon at maghihintay sila ng mga drama buong 7ingo. At huwag kalimutang magsaya!

MGA SUBENIR (GAWANG-KAMAY)

Matutuwa ang mga bata sa oras ng Gawang-may dahil guguhit sila at gagawa ng mga bagong bagay. Dinisenyo ang bawat gawain para sa mga batang musmos pa o may edad na; magagamit ito ng lahat at masaya silang gawin ito at bigyan ng personal na ugnayan.

MGA AKROBATIKO (LARO)

Hindi makukumpleto ang programa kung walang laro! Makikita mo sa seksyong ito ang mga kagila-gilalas na laro, kung saan masasabik ang mga bata at matutuwa nang husto. Madadalian ka ring isagawa ang mga laro. Simple lang ang mga gagamitin, mura at madaling makuha. Matatamasa nila ang mga masasayang karanasan sa kamangha-manghang programang ito na "Ang Sirko ng Buhay".

SUBUKAN MO

Dapat may mga trick din sa kamangha-manghang programang ito. Ang "Subukan Mo" ay isang seksyon kung saan malilibang at mamamangha ang mga bata. Espesyal na nakatuon sa mga guro, may pagkakataon silang pasiglahin ang paligid sa pamamagitan ng simple ngunit nakakahangang mga trick. Mahalaga ang mga optikal na ilusyon ay mahalaga sa seksyong ito, kung saan huhuliin nila ang atensyon ng mga manonood gamit ang mga nakatutuwa at nakagugulat na mga palabas na ito. Siguruhin lang na sanayin ang bawat opsyon na ibibigay namin sa inyo bago ito ipalabas.

MUNTING TAGAPALABAS

Isa itong seksyon kung saan isasagawa ng mga bata ang kanilang kakayahan. Mainam din itong pagkakataon upang matuto ng mga bagong kakayahan na hindi nila alam na taglay nila. Gumagamit ang "Munting Tagapalabas" ng dalawang paborito ng mga bata, laro at imahinasyon – dalawang mahalagang haligi sa proseso ng pagkatuto. Matututo rin ang mga batang sa pagsunod ng mga panuntunan ng gawain ay makakamit nila ang mga layuning ipinanukala. Ang Munting Tagapalabas ay isang mainam na pagkakataon upang matutong makiisa at gumawa nang isang koponan upang mapalakas ang mga kakayahang pangmotor na may kaunting katuwaan.

TAKDANG-ARALIN

Nais naming pukawin ang mga bata at kanilang magulang na suriin sa bahay kung ano ang natutunan nila sa araw na iyon, kaya iminumungkahi naming magsalitan sa pagbabahagi ng napag-usapan sa bahay.

Ang pagsasagawang ito, dagdag sa pagpapalakas ng ugnayan ng pagmamahal, ay tutulong sa kanilang pagbutihin ang mga paraan ng pagpapahayag ng kanilang sarili.



MAGING MASAYA LANG!

Takot: Takot ng kakulangan

ICE BREAKER

Mga Tauhan sa Biblia

Ang mga bata na dumadalo sa pambakasyong paaralan ng Biblia ay madalas na nakakarinig ng maraming mga kuwento tungkol sa Biblia.

Ang isang ideya ay ang maglaro ng mga charade na may mga tauhan mula sa Biblia; ang isa sa mga bata ay gaganap ng isang tauhan habang manghuhula ang iba. Pagkatapos mong pumili ng isang bagong gaganap, magpatuloy hanggang sa matapos ang oras.

Ang iba pa ay ang paglalagay ng kard na may pangalan ng isang biblikal na tauhansa likuran ng bawat bata pagdating nila.

Dapat basahin ng mga bata ang mga kard nang hindi isinisiwalat ang kanilang pagkakakilanlan. Ang bawat bata ay dapat magtanong ng "oo o hindi" na mga katanungan upang hulaan kung aling tauhan ang mayroon sila sa kanilang likuran.

LIKOD NG ENTABLADO

Gumagawa ang payaso ng mga mahika at kalaunan ay tatawag sa kaibigan niya, ang lumalakad sa lubid. Ibinahagi niyang pakiramdam niya ay hindi siya sapat at kailangang magpalabas araw-araw upang makuha ang atensyon ng tao at upang gumanda ang araw niya. Dumaan ang tagaamo ng leon, at nakita siya ng payaso at nagtaka kung sino siya.

SIMULAN ANG PALABAS

Linggo ng Palaspas, Lucas 19:28-44

- Takot ng kakulangan-

Sinasalot ang marami sa atin ng kabalisahan. Minsan ay natatakot tayong kulang ang pagkain natin at nag-aalalang magutom. Maaring natatakam tayo sa mamahaling pagkain sa restawran o sumasakit ang tiyan natin dahil hindi tayo nakakain ng dalawang beses kahapon. Minsan ang damdamin natin ng kakulangan ay dahil sa social media. Nakikita natin ang Facebook o Instagram account ng iba, at nakikita natin ang kanilang ngiti sa pampang at mukhang masaya ang pamilya nila. Mukhang mas



mainam ang mga larawan ng iglesia nila sa ating iglesia. Nagtataka tayo kung bakit hindi kasingsaya ng mga larawang yaon sa Whatsapp ang pamilya natin. Maaaring natatakot tayong pumasok sa paaralan at walang tamang damit. Minsan hindi batay sa mga bagay ang takot natin, pero hindi tayo masaya sa mga kaibigan natin sa paaralan. Gusto nating maging kilala pa. Gayundin ang nararamdaman ng payasong nakilala natin ngayon, laging kailangang magpasiklab gamit ang mga mahika upang pasayahin ang mga tao. Nakararamdam siya ng presyon na libangin ang mga tao ng mga trick niya. Minsan ay tila malayo ang mismo nating kasiyahan, ngunit hindi ito ganoon kalayong gaya ng iniisip natin. Posible talagang sabihing "Maging Masaya Lang!"

Nais ng Diyos na maging masaya tayo sa kung anong mayroon tayo. Naranasan ni Hesus ang lahat ng takot na gaya natin noong nasa lupa Siya. Matapos ang tatlong taon kasama ang mga apostol Niya, alam ni Hesus na sa loob lang ng isang linggo ay babayaran na Niya ang sukdulang sakripisyo para sa ating lahat. Ito ay noong tinanggap Niya ang parusa sa ating masamang ugali. Sa simula ng huling linggong iyon sa lupa, pumasok Siya sa Herusalem, nalalaman ang sakit na naghihintay sa Kanya.

Marahil ay nais ng mga disipulong sumakay Siya pa-Herusalem sa isang malaking kabayo, na may malaking hukbong kasama Niya, na papalit bilang bagong hari ng mga Hudyo. Marahil ay naramdaman ni Hesus ang presyong galing sa mga tao sa paligid Niya. Ang isang tunay na hari ay may maluwalhating Facebook page at maharlikang balabal na tumatakip sa isang maluwalhating maharlikang kabayo at karwahe. Ngunit sa halip na dumating sakay ang malaking kabayo na may kasamang malaking parada, nagpa-Herusalem Siya sakay ang isang asno! Lumibot Siya sa bayang sakay ang isang maliit na hayop at walang hukbo.

Gayupaman ay binigyan pa rin Siya ng mga tao ng parada, itinatapon ang mga dahon ng palaspas o kanilang mga balabal sa daanan Niya. Nagsisisigaw sila sa pagdiriwang sa pagpasok Niya sa Herusalem. Alam Niyang isa itong malaking pagdiriwang, ngunit hindi ito makita ng mga tao. Hindi nila makitang dumating talaga Siya upang iligtas sila at makaranas ng isang tunay na kaligayahan at kasiyahan sa buhay.

Maaaring magpalabas nang mainam ang payaso gamit ang mahika, ngunit hindi niya mapapahalakhak ang mga tao. Mabibigyan niya lang sila ng pagkakataong humalakhak. Binibigyan din tayo ng Diyos ng pagkakataong humalakhak at maging masaya sa buhay natin kung makikipagsapalaran tayo ngayon. Ihihinto mo bang ihambing ang buhay mo sa iba at tanggapin ang ligaya? Isasantabi mo ba ang mga takot mo ng kakulangan at tatamasahin ang mayroon ka? Wala sa atin ang may perpektong buhay. Ngunit maaari tayong lahat na "Maging masaya lang" sa buhay na mayroon tayo!

ISASAULO

Mga Kawikaan 15:13 " Ang masayang puso ay nagpapasaya ng mukha: nguni't sa kapanglawan ng puso ay nababagbag ang diwa."



MGA SUBENIR

Tagpo

Materyales

- Template ng entablado (1 pahina kada bata)
- Krayola o mga kulay
- pandikit o tape
- Gunting



Mga Tagubilin:

1. Alisin o gupitin kada bahagi ng temlate.
2. Kulayan ang mga piraso ng temlate.
3. Sa putul-putol na guhit, itupi ang ibaba ng mga senyas
4. Idikit sila upang tumibay.
5. Ikalat sila sa entablado.
6. Sa entablado kasama ang lahat ng karakter!

Ang kopya ng larawan ay nasa dulo ng paksa..

SUBUKAN MO NAMAN

Isa sa mga palabas na kumukuha ng atensyon sa Ang Sirko ay mga trick. Siguradong minsan na tayong nasurpresa sa mga kakayahan ng mga taong gumagawa ng ganoon.

Sa programang ito ay nais naming ikaw ang taong gugulat sa mga dadalo. Kaya dapat ensayuhin mo ang mga trick na mungkahi namin dito, malaya mo silang gamitin o gumawa ng naiiba pa.

Magnetikong Lapis

Pahangain ang mga bata sa pamamagitan ng pagpapaniwala sa kanila na nakakamagnet sa kamay mo. Ang paunang trick ay ipapakita mo ang likod ng palad mo sa publiko at gamit ang hintuturo ng kabilang kamay ay iipitin mo ang lapis, sa paraang





humahawak nang mahigpit ang iba pang daliri upang maniwala silang ginagalingan mo nang husto

Ang isa pang bahagi ng trick ay ang paglalagay ng isang patpat sa strap ng relo mo at ipitin ang lapis upang hindi mahulog.



MGA AKROBATIKO


Ang maluwa na tali

Materyales:

- Tape, plastik, o chalk
- Orasan o stopwatch

Mga Tagubilin:

- Magmarka o gumuhit ng linyang 5 metro ang haba
- Hatiin nang pantay ang grupo
- Dapat makatalon ang mga bata nang isang paa sa markang linya nang hindi ito iniwan, pabalik-balik; sinumang mawala sa linya ay babalik sa simula.
- Bawat bata ay may 3 pagkakataong gawin ito. Kung nagkamali siya sa ikatlong beses ay babalik siya sa dulo ng linya at 10 segundo ang dadagdag sa oras
- Ang koponang makatatapos ang lahat ng miyembro sa gawain nang pinakamabilis ang panalo.



Para sa ibang bata, ginawa ang modipikasyong ito. Gumuhit ng maliit na maze. Nakapiring ang bawat kalahok at dapat alalayan ng kanyang koponan upang matapos ang maze.

SA BAHAY

Munting Treatro

Nais nating hikayating ang mga bata at kanilang magulang na muling balikan sa kanilang tahanan ang natutunan nila sa araw na iyon, kaya mungkahi naming magkaroon ng ilang minuto nang magkakasama ang pamilya at magbahaginan.

Materyales:

- Kahon ng cereal
- de-kulay na papel
- gunting at pandikit o tape





Mga Tagubilin:

- Gupitin ang kahon sa isang malapad na gilid, upang mag-iwan ng espasyo bilang entablado
- Palamutian ng de-kulay na papel ayon sa ninanais
- Gamit ang papel, gumawa ng 2 karakter na gagamitin bilang papet sa daliri o sa patpat.



Ang ideya ay ang isagawa ang kwentong natutunan sa araw na iyon upang bilang pamilya ay makapag-improvise ng mga karakter.

AKLAT NG MAG-AARAL





MGA TANONG AT SAGOT

1.- Naging malungkot ka na ba sa ginawa ng Diyos?




Oo, maraming beses ay hindi tayo masaya sa kung anong meron tayo, halimbawa, at nanghihina ang pananampalataya natin. Gayunpaman, kapag naunawaan nating perpekto ang mga plano ng Diyos, may mga bagay na hindi natin maunawaan bilang mga tao. Hayaan nating gumawa ang Panginoon sa atin, pagkatapos ay matatamasa natin bawat detalye ng buhay. Isaias 55: 9

2.- Nagreklamo ka na ba sa Diyos sa mga mahihirap na sitwasyon?

Oo, hindi lang tayo minsan malungkot sa mga nangyayari, nagreklamo pa tayo sa Diyos. Malaki ang kinalaman ng mga ganoong sitwasyon sa ating mga desisyon at ugali, gayunpaman, niyayakap tayo ng Diyos sa gayong mga mahihirap na sandali ng buhay. Nalalaman nating Siya lang ang makapagbibigay sa atin ng kapayapaan at kasiyahan. Roma 5: 1

3.-Kung nilampasan ka ni Hesus at napansin ang mga himala Niya, gaya ng pagpapagaling sa mga tao mula sa COVID-19 o ibang sakit, ano ang magiging reaksyon mo?

Marahil sa una, makararamdam tayo ng maraming emosyon, nakikita ang mga hiwagang ginagawa ng Diyos sa mga tao, o marahil matatakot tayo o mananahimik na lang. Anuman ang mangyari, matututo tayong sumunod sa Kanya at maging saksi sa lahat ng ginagawa ni Hesus o gagawin para sa atin. Mateo 16:24



MGA SUBENIR



Pahina ng Kopya



2 GAWIN MO LANG ITO!

Takot: Takot na magkamali.

ICE BREAKER

Paghaluin at makipagkita

Maghanda ng mga marmol, piraso ng kahoy o papel na may iba't ibang kulay.

Hayaan ang bawat bata na kumuha ng maraming (o kung ano ang mayroon ka magagamit).

Magtalaga ng iba't ibang kahulugan sa bawat kulay, halimbawa:

Asul: pamilya.

Berde: paaralan.

Dilaw: mga kaibigan.

Pula: mga libangan.

Kayumanggi: musika / pelikula.

Ang bilang ng mga bagay na mayroon sila sa kanilang mga kamay ang magtutukoy kung gaano karaming mga sitwasyon ang dapat nilang bilangin. Halimbawa, kung mayroon silang dalawang dilaw, kailangan nilang magbahagi ng dalawang katotohanan sa mga kaibigan.

LIKOD NG ENTABLADO


Tumanggap ng leksyon ang payaso mula sa kaibigan niya, ang lumalakad sa lubid. Sinubukan niyang tumapak sa lubid, ngunit labis siyang natatakot. Natatakot siyang mahulog sa lubid, kaya ayaw niya nang sumubok. Sinubukang siyang kumbinsihin ng kaibigan niya na may lubid sa ibabang sasalo sa kanya, ngunit lagi siyang may naisip na nakakatakot at di-realistikong bagay na mangyayari sa kanya kapag tumawid siya sa lubid. Pipigilan ba siya ng takot na mabigo na sumubok? Dumaan muli ang Tagaamo ng leon, at sinabi ng payasong nais niyang makipagkaibigan sa kanya.

SIMULAN ANG PALABAS!

Ipinagkanulo ni Pedro si Hesus nang 3 beses, Lucas 22:34, 54-62

-Takot na mabigo o magkamali-

Hinaharap natin araw-araw ang takot na sumubok o mabigo. Takot tayong magkamali. Ano ang sasabihin ng mga tao? Madarapa ba tayo at mapuputikan sa mukha? Mapagtatagumpayan natin



minsan ang takot na ito at magpapatuloy na sumubok ng bagong bagay! Maaari pa tayong matuwa at malamang mahusay tayo rito! O maaaring hindi tayo mahusay rito at magpasyang huminto. Ngunit ang mga pagpipilian natin sa buhay ay labis na mababawasan kapag pinigilan tayo ng takot sa pagkabigo sa pagsubok ng mga bagay-bagay.

Katulad ng kaibigan nating payaso na hindi man lang gustong tumapak sa lubid. Hindi niya alam kung mahusay ba siya rito o hindi. Hindi siya laang "Gawin lang ito!"

Hinihikayat tayo ni Hesus na humakbang at sumubok. Isang araw ay sinabi Niya kay Pedrong humakbang palabas ng bangka at lumakad sa tubig! Sinubukan ito ni Pedro, ngunit nabigo siya, at lumubog sa tubig. Huwag mag-alala, hindi siya nalunod, niligtas siya ni Hesus. Masaya si Hesus na

siya ang isang disipulong laang umalis sa bangka. Sa kwento sa Biblia ngayong araw, laan muli sa Pedrong isantabi ang kanyang takot at handang sumubok. Sinabi niya kay Hesus sa huling hapunan,

"Panginoon, handa akong sumama sa Iyo sa kulungan at sa kamatayan!". Akala ni Pedro ay matapang na siya. Alam ni Hesus na mabibigo o magkakamali si Pedro. Ngayon naman ay magpapanggap siyang hindi niya kilala si Hesus sa halip na maging matapang. Sinabi ni Hesus kay Pedro, "Bago tumilaok ang manok ngayon, ipagkakanulo mo Ako nang tatlong beses." Ngunit alam din ni Hesus na sa hinaharap ay magiging matapang si Pedro at tatayo para sa kanyang pananampalataya!

Matapos maaresto si Hesus, sumunod si Pedro sa 'di kalayuan upang tumingin. Naupo siya malapit sa apoy kung saan nakaumpok ang ibang tao, at nag-uusap sila hinggil kay Hesus. Nakita ng isang aliping babae si Pedro at sinabi, "Kasama ka rin nila!" sinasabing nakita niya si Pedrong kasama ni Hesus. Sabi ni Pedro, "Hindi ko Siya kilala!" (Na isang kasinungalingan.) Matapos ipagkanulo ni Pedro si Hesus nang 3 beses, tumilaok ang manok.

Bagama't nagkamali ngayon si Pedro, mainam na sinubukan pa rin ni Pedro. Minsan ay matapang siya at natamo ang maraming tao tungo kay Hesus. Naging matatag na disipulo si Pedro at isang lider ng unang iglesia. Hindi dapat ito mangyayari kung kagaya si Pedro ng payaso ngayon, na ayaw sumubok.

Mahirap sa iyo at sa aking sumubok ng bagong bagay dahil maraming beses ay takot tayong mabigo. Ayaw nating mapagtawanan sa pagkakamali. Subalit ginagawa nitong nakakabagot at malungkot ang buhay natin. Dapat lang tayong humakbang at sumubok ng mga bagong bagay, bagama't hindi tayo magiging magaling sa lahat ng bagay, at magkakamali minsan, gaya ni Pedro. Handa ka bang balewalain ang takot sa pagkabigo at "Gawin lang ito?"

ISASAULO

Mga Kawikaan 30:5 " Bawa't salita ng Dios ay subok: siya'y kalasag sa kanila, na nanganganlong sa kaniya."

MGA AKROBATIKO

Balakid: Hoop

Materyales:

- Isang hoop
- Opsyonal: Mga palamuti ng hoop upang magmistula itong umaapoy

Mga Tagubilin:

- Papatunayan ang mga bata at patalunin sa hoop hoop single file
- Sa unang pagsuot, nakatayo ang hoop sa sahig
- Pataasin ang hoop kada pagsuot nila
- Makaiipon sila ng puntos sa bawat antas na magawa nila



Isang kaibhang pwede sa nakatatanda ay patalunin sila gamit ang isang paa sa pagsuot sa hoop, mag-ingat lang upang maiwasan ang sakuna.

SUBUKAN MO

Pagpapalit ng damit

Habang naglalakad, magpalit ka ng damit sa harap ng lahat. Ang trick ay magsuot ka ng tatlong damit, isang T shirt, isang open shirt, at isa pang T shirt. Padaanin sa ibabaw ng ulo ang ibabaw na damit at irolyo sa ilalim ng batok ng open shirt.

Ang trick ay ginagawa pagkatalikod mo sa publiko. Pagkatapos ay, "hubarin" mo ang ibabaw na damit at ipalibot sa leeg, tinatago ito sa kuwelyo ng open shirt. Sorpresa! May suot ka nang ibang damit. Mas mainam na magkakaiba ang kulay ng damit.

Tandaan na mag-ensayo nang ilang ulit bago ito gawin sa publiko.



MGA SUBENIR

Tsapa

Materyales:

- Templat ng tsapa
- Medalya (1 kada bata).
- Curly ribbon 1 metro (1 kada bata).
- 20 beads kada bata.
- Opsyonal: krayola, lapis o marker.


Mga Tagubilin:

1. Ihiwalay o gupitin ang bawat piraso ng template.
2. Kulayan ang tsapa.
3. Ipasok ang curly ribbon sa mga markang butas.
4. Ipasok ang mga bead sa bawat gilid ng curl.
5. Itali at isabit ang medalya sa leeg mo.

Ang kopya ay nasa dulo ng paksa.



MGA AKLAT NG MAG-AARAL



Anong numero ang hindi nauilit? **13**

Anong numero ang nauilit nang tatlong beses? **10**

Anong numero ang pinakanauilit? **2**



3




14



5



6





MGA TANONG AT SAGOT

1.- Natakot ka na ba at hindi ito naharap kahit na kasama mo ang Diyos?

Takot tayo minsang sabihin ang katotohanan tungkol sa isang nakakahiyang gawain, o takot tayong idamay ang kaibigan nating masasaktan sa sandaling iyon. Laging may kapalit ang mga desisyon natin, ngunit matutulungan tayo ng Diyos na unawain iyon kung lagi tayong matapang at tapat ay maaaring hindi gaanong masakit ang mga kapalit. Roma 8:37



















2.- Paano mo naipagkanulo si Hesus at ano ang naramdaman mo?

Sa maraming pagkakataon ay maaari nating mabanggit si Hesus sa isang katrabaho o kaibigan, ngunit pinangungunahan tayo ng takot kaya hindi natin magawa. Sa isang paraan, yaon ay pagtatatwa sa ating pananampalataya at pagtatatwa kay Hesus. Magiging masama ang damdamin natin, o madidismaya nang matagal, dahil hindi Niya tayo kailanman itinatwa. Ngunit maaari tayong udyukan ng ganitong damdamin upang gumawa ng bagong pagkakataon na dati ay hindi natin magawa. 1 Juan 1: 9

3.- Ano ang mararamdaman mo kapag ipinagkanulo ka ng pinakamatalik mong kaibigan sa harap ng iba?

Maraming beses ay galit tayo sa kaibigang nang-iinis sa atin, ngunit kapag itinanggi niya ang pagkakaibigan niyo, maaaring maiwala na habambuhay ang pagkakaibigang iyon. Ang unang damdamin minsan ay pagkadismaya, pagkatapos ay galit at pagtanggì sa yaong ikinahihiya tayo.... Malinaw itong halimbawa ng kung gaanong pag-ibig ang taglay ni Hesus para sa atin na bagama't makasalanan tayo, binigyang-buhay tayo ng kamatayan Niya. Roma 5:8

MGA SUBENIR

 <p>Mga Kawikaan 30:5 " Bawa't salita ng Dios ay subok: siya'y kalasag sa kanila, na nanganganlong sa kaniya."</p>  	 <p>Mga Kawikaan 30:5 " Bawa't salita ng Dios ay subok: siya'y kalasag sa kanila, na nanganganlong sa kaniya."</p>  
 <p>Mga Kawikaan 30:5 " Bawa't salita ng Dios ay subok: siya'y kalasag sa kanila, na nanganganlong sa kaniya."</p>  	 <p>Mga Kawikaan 30:5 " Bawa't salita ng Dios ay subok: siya'y kalasag sa kanila, na nanganganlong sa kaniya."</p>  
 <p>Mga Kawikaan 30:5 " Bawa't salita ng Dios ay subok: siya'y kalasag sa kanila, na nanganganlong sa kaniya."</p>  	 <p>Mga Kawikaan 30:5 " Bawa't salita ng Dios ay subok: siya'y kalasag sa kanila, na nanganganlong sa kaniya."</p>  

Pahina ng Kopya



3

MAGING IRAW LANG!

Takot: Takot na maging matapat o mahina.

ICE BREAKER

Ang mga bata, tulad ng mga may sapat na gulang, ay madalas na higit na nakatuon sa mga reklamo ng pang-araw-araw na buhay at nakakalimutang kilalanin ang maraming mga pagpapala.

Ang gawain na "bilangin ang iyong mga pagpapala" ay maaaring maghanda sa kanilang mga isipan kung bakit dapat silang magpasalamat. Ang pinakasimpleng bersyon ay ang magsimula sa isang parirala tulad ng: "Mapalad ako sa ..." o "Nagpapasalamat ako para sa ..." at habang naglalakad sa kalagitnaan ng mga bata; pumili ng isa at hilingin sa kanila na tapusin ang pangungusap. Ulitin ito sa karamihan ng mga dadalo. Magdagdag ng kasiyahan sa pamamagitan ng paghiling sa kanila na ulitin gamit ang isang boses ng langgam, boses ng oso, dahan-dahan, atbp sa ganoong paraan ay nagbibigay ka ng iba at nakakatuwang kaibhan sa sandaling ito.

Sa mas matatandang mga bata, maaari mong hilingin sa kanila na isulat ang kanilang mga pagpapala at pasasalamat sa mga piraso ng papel nang maaga upang ilagay sa maliit na mga kahon ng regalo. Itago ang mga kahon bago dumating ang mga bata; Hilingin sa kanila na hanapin ang mga kayamanang ito sa oras ng pagtanggap.

Ipunin ang mga ito at sabihin sa kanila na magpalitan sa pagbubukas ng mga pakete upang mabasa ang mga pagpapala ng kanilang mga kasama.

LIKOD NG ENTABLADO

Pinipintahan ng payaso ang kanyang mukha gamit ang make-up na pampayaso at pagkatapos ay sinigaw sa kanyang kaibigan, ang lubid na lakaran. Ibinahagi niya ang kanyang damdamin ng pagkatakot na maging mahina. Pakiramdam niya ay dapat siyang magtago sa likod ng nagpapanggap na mukhang ito at huwag hayaang makita ng mga tao kung sino talaga siya, sapagkat paano kung hindi nila siya gusto o hindi pagtawanan ang kanyang mga biro? Nakikita ng payaso ang tagapagpaamo ng leon kasama ang ibang mga tao, tumatawa at nagsasaya at nakakaramdam ng



inggit sa kanilang pagkakaribigan. Ibmakaghi niya sa mga bata sa madla na nais niyang maging kaibigan din siya ng tagapagpaamo ng leon.



SIMULAN ANG PALABASI

Umamin si Jesus sa harapan ni Pilato na siya ay Diyos,

Lucas 23:1-4, 13-16

-Takot na maging matapat o mahina-

Araw-araw ay nahaharap tayo sa takot na maging mahina at matapat sa ibang mga tao. Natutukso tayong itago kung sino tayp, tulad ng ibinahagi ng ating kaibigang payaso ngayon, nais nating magtago sa likod ng isang nagpapanggap na mukha. Minsan ito ay isang pekeng ngiti o nagpapanggap na nais na lumahok sa isang isport sa paaralan dahil sa palagay natin ay inaasahan ito ng lahat. Natanong ka na ba ng kumusta ka, at sinabi mong "mabuti" habang sa loob ay nasasaktan ka talaga? Natakot ka na ba na "Maging ikaw lamang?"

Nakaharap nating lahat ang mga takot na ito at hinarap din sila ni Hesus. Sa kwentong Biblia ngayon, dinala si Hesus kay Pilato, na gobernador, at hinihiling ng mga tao na siya ay patayin! Galit na galit ang mga tao kay Hesus at inakusahan nila Siya bilang isang taong suwail na lumalabag sa batas. Ngunit ito ay mga maling paratang !!! Naakusahan ka na ba ng isang bagay na hindi mo nagawa?

Hindi ito panahon kung kailan gugustuhin ni Hesus na maging mahina. Hindi Niya gugustuhin na maging matapat sa gobernador at sabihin sa kanya kung sino Siya. Tiyak na gugustuhin Niyang itago kung sino talaga Siya. Ngunit nang sabihin ni Pilato, "Ikaw ba ang hari ng mga Judio?" Tapat na sinagot siya ni Jesus, "Ikaw ang nagsasabi nito."

Siyempre, palaging may mga oras na ayos lang na magpakita ng pekeng ngiti. May mga mapanganib na sitwasyon sa buhay kung saan dapat nating protektahan ang ating sarili. Ngunit kadalasan, mahalaga na maging tapat tayo sa iba at aminin kung sino tayo, tulad ng ginawa ni Hesus. Hindi mahalaga kung sino ang gusto ng ibang tao na maging ikaw, o kung ano ang sa tingin mo ay mga inaasahan nila sa iyo. Mas mabuti na ikaw ay maging ikaw lamang.

Minsan hindi tayo totoo sa ating mga kaibigan, at sa huli ay naiwawala natin sila. O sobrang nagpapanggap tayo na wala na tayong mga kaibigan, at tayo ay malungkot at hungkag sa loob. Ang tanging paraan lamang upang magkaroon ng tunay na mga kaibigan ay maging totoo at tapat sa kanila; ang alisin ang maskara o hugasan ang make-up pampayaso sa ating mukha. Kapag mayroon tayong tunay na matapat na pakikipag-usap, at pinag-uusapan natin ang tungkol sa malalim na isyu, iyon ay ang panahon kung kelan nakakaranas tayo ng isang pakiramdam ng pagiging kabilang. Napakasarap sa pakiramdam na maging totoo at hindi peke.

Hindi ninais ni Hesus na Siya ay mapatay, ngunit ayaw din Niyang magpanggap na isang tao na hindi Siya. Nakakatakot na ipagsapalaran ang katapatan, ngunit hahantong ito sa isang mas mainam na buhay! Handa ka bang ipagsapalaran ang iyong takot na maging mahina at "Maging Ikaw Lamang?"

ISASAULO

Isaias 43:4b " kaya't magbibigay ako ng mga tao na pinakatubos sa iyo, at ng mga bayan na pinakatubos sa iyong buhay."

MGA SUBENIR

Munting Tolda ng Sirko

Mga Kasangkapan:

- Suleras ng Tolda ng sirko
- Gunting
- Kola
- Mga krayola , lapis, o marker.

1. Gupitin ang bawat piraso ng suleras.
2. Kulayan ang loob ng bilog na magiging bubong ng sirko.
3. Gupitin ang bilog hanggang sa gitna ng minarkahang linya.
4. ikola ang parisukat sa puwang na itinuro, sinasapawan ang bahagi ng bawat korte.
5. Gumamit ng isang posporo o palito upang ilagay ang logo bilang isang watawat sa itaas ng bubong na iyong nabuo gamit ang bilog.
6. Gawin ang mga aktibidad sa parisukat.
7. Igulong ang parisukat sa isang tubo at idikit kung saan itinuro.
8. Ilagay ang bubong ng tent sa ibabaw ng tubo.
9. Tingnan ang larawan upang gabayan ka.

Ang piraso ng photocopy ay nasa dulo ng paksa.




MGA MUNTING TAGAPALABAS

Taga-balanse

Isa sa mga unang gawain para sa mga bata ay ang pagtuunan ang mga motor na kasanayan sa pagbabalanse, para dito gagamit tayo ng iba't ibang mga bagay na madaling matatagpuan sa bahay tulad ng isang walis o plastik na stick at isang plastik na tasa o anumang iba pang materyal na hindi nababasag.

Sa seksyong ito, matututunan ng mga bata na mapabuti ang kanilang balanse sa iba't ibang mga aktibidad kung saan maaari nilang gamitin ang kanilang mga motor na kakayahan sa pagbalanse.

Para sa gawain na ito, ang bata ay maglalagay ng isang stick sa kanyang palad at dapat panatilihin ang kanyang balanse hangga't kaya.





Kapag nakasanayan na ng bata ang pamamaraan, magtapos sa isang mas mahirap na antas sa pamamagitan ng paggamit ng isang plastik na tasa. Ang tasa ay ilalagay sa stick ng nakataob.

Sa ganitong paraan magagawa nilang mapabuti ang kanilang kasanayan gamit ang 2 mga bagay, patungo sa pagiging isang mahusay na taga lakad sa lubid.

MGA AKROBATIKO


Tamaan ang dapat tamaan

Mga Kasangkapan

Karton o tela na hindi transparent, 1m ang lapad at 2m ang haba
10 piraso ng papel o kung ano ang mayroon ka na binilog.

Panuto

Ang dalawang bata (isa mula sa bawat koponan) ay dapat na hawakan ang tela o karton.
Ang isang koponan ay nakatayo sa likod ng kurtina o karton, at ang isa ay pipila sa harap nito.
Ang mga bata sa likod ng kurtina ay tatayo at yuyuko nang hindi pantay.



Ang mga bata sa harap ay pupunta isa-isa upang batuhin ang kabilang koponan ng 10 papel na bola sa layo na 1.50 metro mula sa harap.

Kapag ang lahat ng mga bata sa isang koponan ay nagkaroon na ng isang pagkakataon, magpalitan.

Ang koponan na nakatama ng mga bata sa likod ng harap ng pinakamaraming mga bola ng papel, ang panalo. Para sa mga mas matatandang bata ang distansya ay magiging 2 metro at mayroon lamang silang 30 segundo upang ihagis ang lahat ng kanilang mga bola.

TILAMSIX NG LIGAYA

Ito ay isang napakahalagang panahon para sa mga bata upang maitatag ang kanilang pagkakakilanlan sa Diyos, upang malaman kung sino sila at kung ano ang kanilang layunin.

Isinama namin ang kantang "I D" ni Tiyo Abner na kung saan maaari mong turuan ang mga bata sa lahat ng edad na huwag kalimutan ang pinakamahalagang bagay na mayroon ang bawat isa, ang kanilang pagkakakilanlan ...

Tangkilikin ang musika ng kantang ito kasama ang lahat ng mga dumalo, ngunit tiyaking mabigyang-diin mo ang mga lyrics.





TAKDANG-ARALIN

Munting teatro






Sabihin sa mga bata na dapat nilang gamitin ang teatro na ginawa nila gamit ang kahon ng cereal sa bahay kasama ang kanilang mga magulang upang matandaan ang natutunan sa araw na ito.

Hikayatin silang maglaan ng oras para sa aktibidad sa bahay.





MGA AKLAT NG MAG-AARAL





MGA TANONG AT SAGOT

1. Ilang beses kang naakusahan ng isang bagay na hindi mo ginawa? Ano ang naramdaman mo?

Marahil ay naharap natin ang mga akusasyon ng isang bagay na hindi natin nagawa kapag may taong nais na saktan tayo sa pamamagitan ng paninirang puri ng ating pangalan at pagdungis sa ating integridad. Marahil ay naging labis ang ating mga reaksyon, nagnanais na protektahan ang ating reputasyon. At marahil ay isinumpa natin ang mga gumawa nito. Ngunit sinabi sa atin ng Diyos na dapat nating silang patawarin, tulad ng pagpapatawad Niya sa atin. Sa ganitong paraan maaaring mapalakas ng Diyos ang ating pananampalataya upang maipakita na tayo ay Kanyang mga anak. Mateo 5: 11-12

2.- Nakapagsinungaling ka na ba tungkol sa kung sino ka? Bakit?

Ang isa sa pinakamalaking takot mayroon tayo bilang mga Kristiyano ay ang hindi tanggapin sa loob ng isang social circle, sa paaralan, sa trabaho o sa isang pamilya na hindi nakakilala kay Hesus. Minsan sa ating paghahanap na matanggap nila, tinatatwa natin ang ating pagkakakilanlan kay Kristo. Hindi mo kailangang mahiya na maging isang anak ng Diyos. Sa kabaligtaran, maaaring bigyan tayo ng Panginoon ng lakas na ipagtanggol ang ating pagkakakilanlan na may pagmamahal at karunungan. Jeremias 15:19
Roma 1:16

3.- Ano ang pangunahing pagpapahalagang moral ng aralin at paano mo ito mailalapat sa iyong buhay?

Ang katapatan ay isang pagpapahalagang mahirap isagawa araw-araw, maraming beses na natatakot tayong maging matapat, sa maraming kadahilanan, mula sa takot sa sasabihin ng iba. Upang manindigan para sa isang kaibigan o miyembro ng pamilya, inirerekomenda ng Diyos ay lagi tayong magsabi ng totoo sa lahat ng bagay, lalo na sa kung sino tayo. Ang katapatan ay isang susi na maaaring magbukas ng mga pintuan para sa atin sa maraming mga lugar.



MGA SUBENIR

Pahina ng Kopya

Anong Ibibigay mo ngayon sa Diyos?

Equip & Grow
Ang Kolehiyo ng Madalaga

NG SIRKO NG BUHAY!
Makapagpapalitan Kasama sa Diyos


YouTube icon, Facebook icon

Gumuhit ng isang bagay at kulayan ito

“kaya’t magbibigay ako ng mga tao na pinakatubos sa iyo, at ng mga bayan na pinakatubos sa iyong buhay.”

Isaia 43:4b

Idikit dito



4

MAGTIWALA LAMANG!

Takot: Takot sa karamdaman o Sakit.

ICE BREAKER

Paghaluin at makipagkita

Maghanda ng mga marmol, piraso ng kahoy o papel na may iba't ibang kulay.

Hayaan ang bawat bata na kumuha ng maraming (o kung ano ang mayroon ka magagamit).

Magtalaga ng iba't ibang kahulugan sa bawat kulay, halimbawa:

Asul: pamilya.

Berde: paaralan.

Dilaw: mga kaibigan.

Pula: mga libangan.

Kayumanggi: musika / pelikula.

Ang bilang ng mga bagay na mayroon sila sa kanilang mga kamay ang magtutukoy kung gaano karaming mga sitwasyon ang dapat nilang bilangin. Halimbawa, kung mayroon silang dalawang dilaw, kailangan nilang magbahagi ng dalawang katotohanan sa mga kaibigan.

SA LIKOD NG ENTABLADO

Pinapanood ng payaso ang ilang mga akrobat at trapeze artist na gumagawa ng kamangha-manghang mga stunt. (Maglagay sa isang video sa YouTube, o pagpanggapin ang iyong tauhan na iakto ang ilang mga stunts.) Gusto niyang malaman kung gaano kasakit para sa kanila kung mahulog sila? Hindi niya napagtanto na mayroong isang lambat doon upang saluhin sila, at isang lubid na nakatali sa kanilang baywang upang hindi sila mahulog. Handa ba siyang magtiwala? Ang tagapaamo ng leon ay dumaan muli at ang payaso ay sumusubok na makakuha ng lakas ng loob na makipag-usap sa kanya ngunit natakot at hindi ito gagawin.


Mga artista ng akrobat at trapeze. Masasalo ba ako ng lambat kung mahulog ako?

SIMULAN NA ANG PALABAS!

Ang pagkamatay ni Hesus sa Krus, Lucas 23:26-49

-Takot sa karamdaman o Sakit-

Patagal ng patagal mas maraming karamdaman at sakit ang nakikita ng ating mundo. Ang mga pandemiko ay dumarami kasama ang iba't ibang mga sakit ng COVID, ang mga lindol at baha ay



dumarami, at nakikita natin ang karamdaman at sakit sa paligid. Tulad ng payaso ngayon, takot tayo sa mga bagay na hindi natin nakikita at nag-aalala tungkol sa sakit na nasa hinaharap.

Nag-alala din si Hesus tungkol sa sakit na nasa hinaharap Niya nang nagtungo siya sa hardin upang manalangin. Alam niyang malapit na siyang arestuhin at mabilanggo. Alam niyang bubugbugin siya ng mga ito at duduraan siya kaya tinanong niya ang Diyos kung aalisin niya ang darating na sakit.

Ngunit handa si Hesus na "Magtiwala Lang" sa Diyos!

Di nagtagal ay inaresto nila si Hesus, tulad ng alam Niyang gagawin nila. Siya ay binugbog nila at pinagtawanan. Gumawa sila ng krus para sa Kanya at pinabuhat sa Kanya ang Kanyang krus paakyat sa burol. Pagkatapos Siya ay ipinako nila sa krus at iniwan Siya doon upang mamatay sa publiko. Sa buong panahon na ito ay maaaring huminto Siya. Maaari Niyang sabihin sa kanila na Siya ang Diyos at bumaba sa krus na iyon. Ngunit nanatili Siya roon dahil nais Niyang bayaran ang halaga para sa ating masamang pag-uugali. Si Hesus ay namatay sa krus ng araw na iyon upang akuin ang parusa sa ating mga kasalanan. Alam Niya na sa pagsasakripisyo ng Kanyang sarili, inililigtas ka Niya! Si Hesus ay nanatili doon sa krus na iyon upang makuha ang iyong tiwala at ang aking tiwala. Ginawa niya ito upang bigyan tayo ng kalayaan mula sa ating mga kasalanan at masamang asal!

Anong sakit o karamdaman ang kinakatakutan mo ngayon?

Sinasabi ng Biblia na ang lahat ng naniniwala kay Hesus at tumatawag sa Kanyang pangalan ay maliligtas. Ikaw at ako ay may pagkakataon na "magtiwala lamang" sa Diyos, maniwala kay Hesus, at buksan ang ating mga puso sa kanya. Sinasabi ng Biblia na kapag ginawa natin itong simpleng, ngunit napakahirap na pakikipag-usap tungkol sa pagbubukas ng ating mga puso at pagtiwala sa Panginoong Hesu-Kristo, kung gayon tayo ay nagiging mga Kristiyano o mananampalataya. Naging anak tayo ng Diyos! Kinukupkop tayo ng Diyos sa Kanyang pamilya at pumapasok ang Diyos sa ating mga puso. Hindi ito nangangahulugan na tayo ay magiging perpekto. Makikipagbaka pa rin tayo sa parehong masasamang pag-uugali at mga takot tulad ng dati. Ngunit ngayon kapag haharapin natin ang mga pakikibakang ito at takot, mayroon na tayong Diyos na naninirahan sa loob natin upang tulungan tayo! Nais niyo bang manalanging magkasama ngayon at maging mga anak ng Diyos? Handa ka bang "Magtiwala lamang" sa Diyos sa iyong buhay?

Manalangin kasama ko,

“Mahal na Hesus, salamat sa pagkamatay Mo sa krus para sa aking masamang pag-uugali. Salamat sa pagsakripisyo at pagpasan ng aking karamdaman at sakit. Naniniwala ako na nabuhay at namatay Ka para sa akin, tulad ng sabi sa Biblia. Mangyaring pumasok Ka sa aking puso ngayon, tulad ko din. Pinili ko ang araw na ito na magtiwala sa Iyo, kahit na marami akong takot. Mangyaring pumasok Ka sa aking puso at maging amo ng aking buhay. Amen.”

ISAULO

Mga Awit 118:8 " Lalong mabuti ang manganlong sa Panginoon kay sa maglagak ng tiwala sa tao."

TILAMSIK NG LIGAYA

Sunggaban ang sandali at maglingkod gamit ang kantang "Encounter with God" ni Jozhoo & y Tsshe, pinapaalala nito sa atin na, sa pamamagitan ng pagbibigay ng ating buhay, ating pagkatao sa Diyos, mapupuno tayo ng lahat ng kailangan natin.

Hayaan ang presensya ng Diyos na gawin ang gawain nito sa bawat lalaki at babae, maging isang sisidlan ng pagpapala upang ang kaligtasan at pagtubos ay dumaloy sa lugar kung nasaan ka.

MGA SUBENIR

Tolda


Mga Kasangkapan:

- Suleras ng tolda
- Mga kulay o krayolas
- Gunting
- 1 pilas ng papel

Panuto

1. Kulayan ang mga piraso ng suleras
2. Gupitin ang bawat piraso
3. Gumawa ng isang maliit na akurdyon na may isang piraso ng dahon.
4. Ikola ang akurdyon sa pagitan ng pasukan ng tolda at ng imahe ni Hesus
5. Ipasok ang slip sa malaking tolda at sa pasukan na sumasakop sa pigura ni Hesus.


Ang piraso ng photocopy ay nasa dulo ng paksa.



MGA MUNTING TAGAPALABAS

Ang pinakamalakas sa sirko

Ang paglinang ng kontrol sa postura ng bata ay mahalaga para sa kanilang paglaki, sa gawaing ito ay



susubukan ng mga bata ang kanilang kakayahang mapanatili ang isang postura, naglalagay ng puwersa sa kanilang mga paa at ginagamit ang pagkalastiko ng kanilang mga kamay at simpleng mga materyales upang makuha tulad ng isang lubid at apat na magaan na bagay tulad ng mga bola o ilang mga plastik na lata.

Ang unang kilos na gagampanan ay ang kumuha ng

isang makapal (20 mm ang lapad) at mahabang (5 metro ang haba) lubid. Mahalagang itali ang lubid sa pamamagitan ng pagdugtong ng dalawang panig na matibay na ibinuhol.

Maghati sa apat na pangkat at pumili ng isang tao mula sa bawat pangkat na mapapasa-loob ng lubid. Ang apat na mga batang ito ay dapat na bumuo ng isang parisukat sa pamamagitan ng paglalagay ng lubid sa baywang at paglipat sa labas tulad ng pagguhit. Pagkatapos ang apat na mga bagay ay ilalagay mga tatlong hakbang ang layo mula sa bawat bata. Ang layunin ay ang sunggaban muna ang bagay.

MGA AKROBATIKO

Hinihila ang unggoy

mga kasangkapan

2 lubid na 3 metro bawat isa

2 plastik na mga hoop (mga hula hoop)

Panuto

Itali ang bawat lubid sa hoop


Magtakda ng isang panimulang punto at gol

Hatiin ang grupo sa mga pangkat mula lima hanggang sampung bata

Pumili ng isang bata mula sa bawat koponan upang hilahin ang hoop gamit ang lubid.


Ang bawat miyembro ng koponan ay dapat na dumaan sa hoop.





Ang unang koponan na ang lahat ng kanilang mga miyembro ay nakadaan sa pamamagitan ng hoop ay ang nagwagi.



Para sa mga mas matatandang bata ang isang labis na panuntunan ay maaaring mapangasiwaan, ang sinumang umalis sa bilog ay dapat mag-umpisa mula sa simula.

MGA AKLAT NG MAG-AARAL



-  1
-  14
-  3
-  18

- Tagapagpaamo: 5 •
- May-ari ng Sirko: 1 •
- Juggler: 3 •
- Payaso: 4 •
- Trapeze artist: 2 •



MGA TANONG AT SAGOT

1.- Ano ang iyong pinakamalaking ikinabahala sa hinaharap at paano mo ito hinarap?

Maraming mga bagay ang ipinag-aalala natin, at normal iyon. Sino ba ang hindi nag-aalala tungkol sa kung ano ang mangyayari sa hinaharap dahil may mga sitwasyon na higit sa ating lakas, tulad ng COVID virus na nakaapekto sa mundo? Para sa marami ang hinaharap ay hindi sigurado, ang takot na hindi matugunan ang mga pangangailangan ng isang pamilya o ang takot na hindi matupad ang ating mga pangarap. Nais ng Diyos na dalhan tayo ng katahimikan kahit na tungkol sa ating hinaharap. Nais niya ang pinakamahusay para sa atin at hindi tayo hahayaang mahulog. Sa kabaligtaran, ang kanyang pag-ibig ay napapasakdal sa atin sa kabila ng anumang sitwasyon. Binibigyan niya tayo ng pag-ibig at ipinapangako sa atin ang buhay na masagana. Ito marahil ang paraan kung paano natin harapin ang mga takot, sa pamamagitan lamang ng pagtitiwala sa Diyos. Jeremias 17: 7-8 (ipabasa ito sa iyong mga mag-aaral)

2.- Paano ka nagpasalamat sa kaloob ng buhay na ibinigay sa atin ng Diyos sa pamamagitan ng kamatayan ng kanyang Anak?



Ang pagiging mapagpasalamat ay isang bagay na hindi ginagawa ng lahat, kahit na bilang isang mananampalataya na may pananampalataya kay Hesu-Kristo. Ngunit ikinatutuwa ito ng Diyos kapag tayo ay marunong pagdating sa pagkilos o pagsasalita, pagpapasalamat sa isang araw, o pagpuri sa Kanya kahit sa mga mahirap na panahon. Mas mabuti ito kaysa magreklamo o maawa sa ating sarili, sa paniniwalang nag-iisa tayo. Mga Awit 138: 7-8

3.- Nahirapan ka bang magtiwala sa Diyos? Bakit?

Kapag iniisip natin na ang lahat ay nakasalalay sa atin, maaaring dahil sa naniniwala tayo na kung wala ang Diyos ay makakamit natin ang mga bagay. Ngunit hindi ito ganoon. Nais ng Diyos na maging mainam tayo, ngunit makakamit lamang natin ito sa pamamagitan ng pagtitiwala sa Kanya, sa mga plano na mayroon Siya para sa bawat isa sa atin. Sa isang tiyak na paraan hindi malaking bagay sa atin ang magtiwala sa Panginoon dahil sa Kanya ay magagawa natin ang mga kakila-kilabot na bagay at kung wala Siya wala tayong magagawa. Juan 15:5 "Ako ang puno ng ubas; kayo ang mga sanga. Kung mananatili kayo sa Akin at Ako sa inyo, magbubunga kayo ng maraming bunga; bukod sa akin wala kayong magagawa." Ngunit sa mga mahirap na sandali, ang pagtitiwala sa Diyos ay magiging lahat, kahit na minsan malaking bagay ito sa atin. Ang ating katahimikan ay nakasalalay sa pagtitiwala sa mga oras ng paghihirap. Kawikaan 3: 5-8



MGA SUBENIR



Pahina ng Kopya



5 UMIBIG LAMANG!

Takot: Takot sa pagtanggap at kalungkutan.

ICE BREAKER

Mga Tauhan sa Biblia

Ang mga bata na dumadalo sa pambakasyong paaralan ng Biblia ay madalas na nakakarinig ng maraming mga kuwento tungkol sa Biblia.

Ang isang ideya ay ang maglaro ng mga charade na may mga tauhan mula sa Biblia; ang isa sa mga bata ay gaganap ng isang tauhan habang manghuhula ang iba. Pagkatapos mong pumili ng isang bagong gaganap, magpatuloy hanggang sa matapos ang oras.

Ang iba pa ay ang paglalagay ng kard na may pangalan ng isang biblikal na tauhansa likuran ng bawat bata pagdating nila.

Dapat basahin ng mga bata ang mga kard nang hindi isinisiwalat ang kanilang pagkakakilanlan. Ang bawat bata ay dapat magtanong ng "oo o hindi" na mga katanungan upang hulaan kung aling tauhan ang mayroon sila sa kanilang likuran.

SA LIKOD NG ENTABLADO

Ang payaso ay nasasabik na makitang ilabas ng tagapagpaamo ang leon sa grand finale show ng sirkos. Nagpe-play ang mga apoy sa projector ng video, habang hawak ng tagapagpaamo ng leon ang isang loop na tatalunan ng leon. (nagpapanggap na nasusunog ito) Iniisip ng payaso na ang programa ay napakahusay, ngunit natatakot na ipakita ang kanyang sarili sa tagaganap, dahil sa takot na tanggihan. Nasasabik siyang makilala siya buong linggo, ngunit paano kung tanggihan siya? Hindi ba mas ligtas na hindi sabihin ang "kumusta" upang maprotektahan ang kanyang sarili? Sa wakas, ang payaso ay nakakakuha ng lakas ng loob na gawin ito, at lumapit din sa tagapagpaamo ng leon at nagsabi ng "kumusta". Nagsimula agad silang mag-usap at maging magkaibigan. Naglakad sila sa entablado, nag-uusap tulad ng dating nang magkaibigan, at ang payaso ay tumingin sa likod ng madla at binigyan sila ng thumbs up!



SIMULAN NA ANG PALABASI!

Si Hesus ay bumangon mula sa mga patay !, Lucas 24:1-12, 36-42

- Takot sa pagtanggap at kalungkutan -

Hindi ba ito ang nakakatakot na bagay sa lahat na buksan ang ating mga puso sa PAG-IBIG? Ang bawat isa sa atin ay natatakot sa pagtanggap at kalungkutan. Nilikha tayo ng Diyos bilang mga mapakihalubilong tao na may pangangailangan na magmahal ng iba at mahal in. Kung walang pag-

ibig at koneksyon, hindi tayo maaaring magtaagumpay. Kung walang pag-ibig, nabubuhay lamang tayo, sinusubukang mabuhay mula sa isang pagkain hanggang sa susunod. Lahat tayo ay nangangailangan ng isang pamayanan, mga kaibigang kausap, isang matalik na kaibigan upang mahal in at pagkatapos balang araw ay magpakasal at magkaroon ng isang pamilya. Ngunit napakahirap na buksan ang ating puso sa iba, lalo na pagkatapos nating masaktan dati. Paano kung tatanggihan ulit ako? Paano kung hindi nila ako mahal in pabalik? Maaari ba akong maging matapang upang ipagsapalaran na abutin ang iba at "magmahal lang?"

Naharap din ni Hesus ang parehong takot noong siya ay nasa lupa. Mayroon Siyang mga kaibigan at mahal sa buhay, pamilya, at kakilala. Binuksan Niya ang Kanyang puso sa mga tao, at paulit-ulit nilang tinanggihan Siya. Maraming beses na nabasag ang Kanyang puso. Pagkatapos ay ginawa Niya ang pinakahuling sakripisyo, gaya ng inaral natin sa huling aralin, kung saan Siya ay namatay sa krus para sa iyo at sa akin. Ngunit ang kuwento ay hindi nagtatapos doon!

Kinaumagahan ng ikatlong araw, ang mga kababaihan ay nagtungo sa libingan kung saan inilibing si Hesus. Matapos mamatay si Hesus sa krus, inilibing Siya ng kanyang mga alagad at pamilya sa isang libingang kuweba, na may isang malaking bato na pinagulong sa harap ng pasukan. Ngunit nang dumating ang mga kababaihan sa libingan, nakita nila ang malaking bato na nakagulong palayo, at ang libingan ay walang laman! Natakot sila na baka may nagnakaw ng katawan. Ngunit sinalubong sila ng isang anghel doon at sinabi sa mga kababaihan na si Hesus ay buhay, tulad ng sinabi Niya. Di nagtagal ay nagpakita si Hesus sa lahat ng Kanyang mga disipulo nang sila ay nagkakatipon. Nagulat sila at masaya na makita Siyang buhay! Ito ang pinagkaiba ng Kristiyanismo sa ibang mga relihiyon. Ang aming pinuno na si Hesu-Kristo ay talagang namatay sa krus, inilibing, at pagkatapos ay bumangon mula sa mga patay! Matapos Siyang bumalik sa Kanyang mga alagad, Siya ay umakyat sa langit at naroroon ngayon. Siya ay buhay ngayon sa langit, at mahal pa rin ang bawat isa sa atin. Kahit na tanggihan natin Siya, mahal Niya tayo. At oo, ang pagtanggap na iyon ay masakit sa Kanya, gaya ng masakit sa atin ang pagtanggap.

Ang aming kaibigan ang payaso ay nahaharap sa parehong takot. Buong linggo ay nais niyang makipag-kaibigan kasama sa tagapagpaamo ng leon. Ngunit natatakot siyang matanggihan. Nais niyang magkaroon ng isang kaibigan, ngunit kailangan niyang ipagsapalaran ang kanyang puso upang

magkaroon ng isang kaibigan. Hindi ba kahanga-hanga na makita siya ngayong umaga na maging matapang, isinantabi ang kanyang takot na matanggihan, at makipag-usap sa tagapagpaamo ng leon? Kahit na minsan masasaktan tayo, minsan mahahanap natin ang pag-ibig na hinahanap natin! Handa ka bang ipagsapalaran ang iyong mga takot sa pagtangi at kalungkutan at "UMIBIG LAMANG?"

ISAULO


Juan 15:13 "Walang may lalong dakilang pagibig kay sa rito, na ibigay ng isang tao ang kaniyang buhay dahil sa kaniyang mga kaibigan."

SUBUKAN ITO SA IYONG SARILI

Ang Mantsa (1 Juan 1:9)

Mga Kasangkapan

Isang marker na may anumang kulay.



Pagtatanghal

Magpakita ng isang malinis na kamay na kumakatawan sa puso ng tao. Gamit ang isang itim na marker, na kumakatawan sa kasalanan, gumuhit ng isang linya sa kamay, na nagpapahiwatig na ang puso ay nabahiran. Isara ang iyong kamay, na kumakatawan sa kamay na isinasara ang mga mata upang manalangin. Kapag binuksan mo ang iyong kamay, ang linya ay nagiging isang krus.

Mensahe

Anuman ang kasalanan na nagawa mo, kung magsisi ka at papasukin mo si HESUS sa iyong puso, papatawarin ka Niya.

Paano ito nangyayari


Kapag ginagawa ang linya sa palad, dapat itong gawin ng padayagonal sa unang tiklop ng kamay, upang, kapag isinara ito, ang tinta ng marker ay magbahid, na bumubuo ng X (krus). Tingnan ang mga larawan.

MGA SOUVENIR

Kuweba:

Mga Kasangkapan:

- Suleras ng kuweba
- Gunting
- Mga kulay o krayola
- 1 pangkabit



Panuto:

Kulayan ang larawan.

Gupitin ang strip na may mga larawan ng bato at kuweba.

Na may tulong, ipasok ang tab sa dalawang maliit na butas na nakasaad, idinudugtong ang bato sa yungib

Gupitin ang Kuweba sa mga tuldok na linya.

Ipasok ang strip kasama ang mga imahe sa pagitan ng mga gupit na dati nang ginawa sa kuweba.

Ang kopya ay nasa dulo ng paksa..

SA BAHAY

Munting teatro

Ipaalala sa mga bata na gamitin ang teatro na ginawa nila mula sa kahon ng cereal kasama ang kanilang mga magulang upang matandaan ang natutunan sa araw na ito.

Hikayatin sila upang maaari itong maging isang aktibidad na ginagawa nila sa bahay kahit na isang beses sa isang linggo na naaalala kung ano ang natutunan sa Sunday school.

Ang kasanayan na ito bilang karagdagan sa pagpapalakas ng mga bigkis ng pagmamahal ay magpapahintulot sa kanila na mas mahusay na paunlarin ang paraan kung paano nila inihahayag ang kanilang mga sarili.

MGA AKROBATIKO

Mabilis Mag-isip

Mga Kasangkapan

10 magagaan na bagay tulad ng mga bola o plastik na lata

Panuto

Hatiin ang grupo sa mga pangkat ng 5 hanggang 10 mga miyembro

Gumawa ng isang tuwid na linya ng 10 mga bagay (depende sa kung gaano karaming mga bata ang nasa mga koponan)

Ang unang dalawang koponan ay uupo ng nakalimutan sa mga bagay na isang hakbang ang layo.


Ang guro ay dapat magbigay ng iba't ibang mga tagubilin,

halimbawa: ulo, at ang mga bata ay dapat hawakan ang



kanilang mga ulo, tuhod at ang mga bata ay dapat hawakan ang kanilang mga tuhod, atbp. Kapag sinabi ng guro na Magisip ng mabilis! kung gayon ay dapat kunin ng mga bata ang bagay na nasa likuran nila

Ang koponan na nakakuha ng pinakamaraming mga bagay nang sunud-sunod sa tatlong pag-ikot ay ang nagwagi.

Para sa mga mas matatandang bata ang mga tagubilin ay dapat na mas kumplikado, halimbawa, tumayo, tumalon sa isang paa, gumawa ng dalawang squat at pagkatapos ay mag-utos na mag-isip nang mabilis!




MGA AKLAT NG MAG-AARAL



Bilugan ang larawang ito kung totoo ang sagot.
Bilugan ang larawang ito kung hindi totoo ang sagot.

1. Sa gabi ay nagtungo sa libingan ang mga kababaihan.
2. Nalaman nilang ang batong nakatakip sa libingan ay naigulong palayo.
3. Pagkapasok, nakita nila ang katawan ng Panginoong Hesus.
4. Tumakbo si Pedro patungo sa libingan.
5. Nagpakita si Hesus sa lahat ng disipulo noong nagsama-sama sila.

Bilugan ang mga sumusunod na hugis





MGA TANONG AT SAGOT

1.- Ano ang pinakadakilang tanda ng pagmamahal ang inalok mo sa Diyos?

Ang pagpapakita ng pag-ibig ay isa sa pinakamahirap na pagsubok na maipakita, at higit pa kung tungkol ito ay ipapakita sa Diyos na Siyang buhay na imahe ng pag-ibig. Sa katotohanan, kapag tinatuwa natin ang ating sarili at pinapakita natin Siya para sa atin marahil nakakakuha tayo ng maraming mga ngiti mula sa ating Ama sa langit. Ito ay maaaring sa pamamagitan ng pagsuko sa ating tungkulin, iyon ay, ibigin na paglingkuran Siya, sa simbahan o sa pamamagitan ng pagbabahagi ng Kanyang salita, o pagiging masidhi sa ginagawa natin sa Kanyang pangalan. Mahusay na paraan ito upang maipakita sa Kanya na mahal natin Siya. Awit 27:4


2.- Ano ang pinakadakilang tanda ng pagmamahal ang inalok mo sa isang tao?

Ang mahalín ang mga nagmamahal sa atin ay isa sa mga dakilang katangian na ibinibigay sa atin ng Diyos, ngunit ang mahalín ang mga hindi nagmamahal sa atin ay isang bagay na nais din Niyang gawin. Mas mahirap ito sapagkat sa maraming pagkakataon kung nasaktan tayo ng isang miyembro ng pamilya o kaibigan ay hindi tayo handang magpatawad. Ngunit dahil tulad ng ipinakita sa atin ng Diyos ang Kanyang pagmamahal, dapat din nating ipakita ito sa iba. Maaaring mahirap, ngunit tinutulungan tayo ng Diyos na maging mapagmahal tulad ng pagmamahal Niya sa atin sa kabila ng ating mga pagkakamali. 1 Corinto 13: 1-3

3.- Natanggihan ka na ba kapag nagpapakita ng pagmamahal? Ano ang reaksyon mo?

Paano natin mamahalin ang isang tao na ayaw nito at ipinapakita ito sa pamamagitan ng pagtanggap sa atin? Kahit na tinanggihan tayo, maaari nating ipagpatuloy ang pagpapakita ng pagmamahal. Kung pinatawad natin ang taong iyon, nililinis natin ang ating mga puso at maaaring magkaroon ng kapayapaan ng Diyos. Ang mga tumanggi sa atin o ang mga nakasaksi dito at ang ating reaksyon dito ay maaaring makita ang isang bagay sa walang kapantay na pag-ibig ng Diyos, at ang kanilang mga puso ay maaaring mabuksan upang tanggapin din ito. 1 Corinto 13: 4-7, 13:13.

MGA SUBENIR



DAGDAG NA IDEYA

Nais naming bigyan kayo ng ilang mga ideya upang palamutihan ang lugar kung saan magaganap ang iyong aktibidad. Alam namin na kung minsan ang ilang mga detalye ay lumalampas sa amin, at laging mabuti na magkaroon ng mga karagdagang ideya.

Nalulugod kami na matanggap ang balita ng mga aktibidad na isasagawa mo at ng iba pa at makita ang mga ito sa mga larawan o video. Kung maaari, mangyaring ibahagi sa Facebook na "Mahalaga ang Mga Bata". Ito ay magiging isang pagpapala sa amin.

HIGANTENG PAYASO

Walang alinlangan, ang pinakamalaking impresyon ng mga lalaki at babae pagdating nila sa lugar ng kaganapan, ay ang palamuting ginawa para sa okasyon. Subukang gumamit ng mga mapagkukunan na mayroon ka at kung maaari kang mamuhunan sa mga aksesorya upang mapaglingkuran ka nila sa ibang mga kaganapan magiging kamangha-mangha ito.

Ang unang pagpipilian na ibinibigay namin sa iyo ay ang gumawa ng isang higanteng payaso upang malugod na tanggapin ang lahat sa unang araw na nagbibigay sa lugar ng isang pakiramdam ng kagalakan dahil sa napakamakulay na payaso.

Gumamit ng crepe na papel o katulad na papel, inilalagay ang maraming mga piraso ng papel na ginagaya ang pantalon ng isang payaso. Ang tela maaari rin.

Gumamit ng isang kahoy na stick na nagdudugtong sa mga kamay na ang gitna ay magsisilbing patungan ng ulo; gupitin ang sapatos, kamay at mukha ng payaso mula sa may kulay na karton. Ang aming rekomendasyon ay yaong ito ay dapat nasa pintuan ng silid na gagamitin nila o sa dingding sa likod ng entablado, upang hindi ito



makagambala. Kung ilagay mo ito sa gitna ng

TELA MULA SA KISAME

Ang dekorasyon na ito ay napaka-kapansin-pansin at binabago ang kapaligiran ng silid. Maghanap ng iba't ibang tela upang maisabit sa kisame na ginagaya ang isang sirko ng tolda.

silid maaaring itong makaabala.



MGA BANNER

Ilagay ang mga pennant sa lugar ng palaro upang higit na ipasadya ang programa. Upang gawin ang mga ito gumamit ng mga may kulay na piraso ng papel na ginupit ng patatsulok, idinidikit sa curli o sinulid. Pinupuno nito ang airspace ng maraming mga kulay at hugis. Ang mga pennant ay maaaring iba't ibang mga hugis, tulad ng mga trumpeta, sumbrero, kurbata, bola, atbp.



PHOTO BOOTH

Palaging hit na magkaroon ng isang frame para sa mga selfie o larawan ng mga bata kasama ang kanilang mga kaibigan, guro, at kanilang mga magulang.

Kung maaari, gumawa ng dalawang frame upang ang bilis sa pagkuha ng mga larawan ay mas mahusay na makontrol. Siguro gumawa ng isa para sa mga lalaki at isa para sa mga batang babae o gumawa ng dalawa na may iba't ibang mga disenyo upang magkaroon sila ng higit pang mga ala-ala sa kaganapan.

Mabuti kung makakagawa ka ng mga istasyon para sa iba't ibang mga pangangailangan ng iyong kaganapan, sa isa sa mga istasyon maaari kang magkaroon ng frame para sa larawan.





MGA SUMBRERO AT KURBATA

Panatilihin simple ang mga dekorasyon sa dingding sa pamamagitan ng paggawa ng mga kurbata at sumbrero na may magkakaibang mga gayak na kulay. Ang mga sumbrero ay maaaring hatiin sa gitna at idikit sa dingding.

Ang 3D na epekto kapag hinati ang mga sumbrero ay magbibigay ng isang espesyal na pagganyak sa lugar. Subukang ilagay ang mga ito sa taas na hindi maabot ng mga bata.

Mahusay na tanggapin ang mga bata, ngunit kailangan mo ang iyong mga dekorasyon sa dingding. Maaaring magustuhan nila ang parehong mga bagay na ibinitin mo sa dingding, kaya gumawa ng maito upang ibigay.

ISANG NGITI

Ang mas mahusay na pagtanggap para sa mga bata at kanilang mga magulang sa unang araw ng kaganapan ay isang malaking ngiti ...

Sa isang piraso ng karton, iguhit ang silweta ng isang ngiti ng payaso, tabasan ng isang itim na marker at magbigay ng mga detalye sa iba pang mga kulay.

Upang panatilihin ito maaari kang gumamit ng plastik, kahoy, o metal, tulad ng inirerekumenda namin; o kung ano ang mayroon ka.

Iminumungkahi naming gamitin mo ang ngiting ito sa kantang "A Party" sa pagtanggap.

Para sa ilang mga premyo, gumawa ng ilang mas maliit na mga ngiti upang ibigay sa mga lalaki at babae.



NGAYON GAWIN MO ITO

*Pangalan higit sa lahat ng mga pangalan
Filipos 2:9-11*

Mga Kasangkapan

Matingkad o itim na bag, pilas ng papel, mesa, at isang marker.

Pagtatanghal


Gamit ang kasanayang ito, ilalantad mo ang pangalang higit sa bawat pangalan gamit ang isang pilas ng papel at ang iyong pandama.

Mensahe

Mayroong isang pangalan na higit sa bawat pangalan: Hesu-Kristo, na nagbigay ng Kanyang buhay para sa buong mundo.


Pahayag

Ipakita ang blangkong papel sa harap ng lahat. Punitin ang piraso sa 9 na bahagi sa pamamagitan ng kamay. Hilingin sa pangkat na sabihin sa iyo ang mga pangalan ng mga maimpluwensyang tao sa mundo, kahit na mga pinuno ng relihiyon, sila man ay buhay o patay. Isulat ang kanilang mga pangalan sa bawat piraso ng papel. Isama ang pangalan ni Hesu-Kristo, inilalagay ito sa gitnang seksyon. Ilagay ang mga piraso ng pabaligtad sa mesa at hilingin sa isang boluntaryo na ilagay ito sa bag. Tumalikod ka upang hindi mo makita ang anumang ginagawa ng boluntaryo. Ngayon ay humarap ka at sabihin sa madla na kukunin mo ang pangalan na higit sa lahat ng mga pangalan mula sa bag. Ang paghanap dito ay napakadali, pakiramdaman lamang ang piraso na may apat na punit nsa gilid. Kapag inilabas mo ito, mamangha ang lahat.



TULONG!

Ang isang maliit na payaso ay kailangang ilipat ang 5 mga club na juggler upang balansehin ang timbangan.



Bilugan ang mga dapat gumalaw at pagkatapos ay iguhit ang iyong sagot.

MGA MUNTING TAGAPALABAS


Ang kaalaman at pag-unawa ay dalawang pangunahing elemento sa intelektwal na pag-unlad ng bata. Ito ay hinuhusto ng mga kasanayan sa motor at pandama na nagsasanhi sa bata na matuto at magsaya sa parehong oras. Sa seksyong ito ang mga bata ay maaaring sanayin ang kanilang mga kasanayan sa pag-unawa at pagtalastas. Ito rin ay magiging isang pagkakataon upang maipakita ang halaga ng pagtutulongan. Ang pinakamagandang bahagi ay masaya ito.

Ang aktibidad ay binubuo ng paggawa ng mga koponan na may 5 bata. Dapat nilang bigyang pansin ang mga guro na magbibigay sa kanila ng iba't ibang mga utos tungkol sa kung ano ang dapat gawin.

Ang guro ay pipili ng isang titik o isang numero at kailangang mabuo ito ng mga bata sa kanilang koponan. Halimbawa, kung sinabi ng guro na, "Ang letrang J", kailangang mabuo ng mga bata ang titik kasama ang kanilang koponan.



Kapag natututo ang mga bata na makabisado nang madali ang ilang mga titik, maaari silang pumunta sa susunod na antas kung saan ang mga bata ay maaaring bumuo ng mga maiikling salita tulad ng ina o ama. Para sa mga ito ang mga koponan ay dapat na may sampung bata o higit pa, upang ang lahat ay lumahok. Para sa mga numero, gumawa ng dalawang-digit na bilang tulad ng 10. Ito ay magiging kasiya-siya para sa mga bata at sa parehong oras ay natututo silang maging dalubhasa sa pagkilala, pag-unawa, at paggawa bilang isang koponan.





MGA KREDITO

Tulad ng nakasanayan, sa likod ng lahat ng natapos na materyal na ito ay may isang mahusay na pagsisikap mula sa editor, ang malikhaing kawani, ang mga emeritus consultant, at ang walang pasubaling suporta ng aming mga tagapagtatag.. Nais naming italaga ang pahinang ito upang pasalamatang ang mga kapatid na may pananampalataya nang buong puso at mga kaibigan na sumuporta sa amin sa paggawa ng programang ito. 1 Pedro 4:10 (NLT).

Nawa'y gantimpalaan ka ng higit ng ating Diyos para sa panahon, pagsisikap at pondong inilaan sa proyektong ito.

Salamat sa lahat,

Flor Boldo

Tagapagtatag, Dwight at Kristina Krauss

Tagapanguna ng Malikhaing Grupo, Flor Boldo

Malikhaing Grupo: Jennifer Sánchez, Areli Salinas, Ramón Martínez, Marlon Hernández, Julio Sánchez, Mike and Vickie Kangas

Mga Disenyo: Marlon José Hernández

Mga kasangguni sa disenyo: Julio Sánchez at Suki Kangas

Mga Administrator ng pahina ng tagahanga: Ramón Martínez and Verónica Toj

Mga Kasangguni:

Abner Chávez Molina

Musika at lyrics

ID ng awit mula sa album na I.D.

Instagram: tioabner

Elmer Estrada

elmeres02@gmail.com

Pag-aayos ng kanta: El Circo de la Vida
facebook/ElmerMomentos

Josué y Esther Hernández Hidalgo

- Jozhoo & Tsshe -

Mga Awit "Encuentro con Dios" at
"Tienes mi Control"

Instagram: jozhooytsshe

Linda Romero

Mga guhit:

Lindy & mga Kaibigan sa pakikipagtulungan sa
NosrettepArt
www.lindyandfriends.com

Paris Peña Sáchez

May-akda ng "Una Fiesta"

Susy Danielle

Tagasalin ng "El Circo de la Vida"
facebook/Susy Danielle

Vector at sining ng imahe:

www.freepik.com